

# Ajuieer bennë kɔc ya piɔɔc nē loilooi yiic, ye cɔl Apprenticeships and traineeships

## Wël bī keek ya guiir tēnnē amīdhiēeth nɔŋ nhīm mīthken ku jɔl ya kɔc ye nyīn tiit nē keek

Ajuieer bennë kɔc ya piɔɔc, cɔl “*Apprenticeships and traineeships*” ee kueer bennë piöcc ya määt kennë luɔci yennë raan dɔm nē wēu juēc arēetic ku ye ŋoot ke ye lo nē thukulic tēnnē akutnhom de piöcc cī gāt rin piny (*Registered Training Organisation*). Na cī raan thök nē ajuieer de piöcc kennë yic, ke raan abī ya naŋ nyīny dīit arēetic alɔŋ de kā bī keek ya looi nē yecin ku ka bī ya kueen ke ye raan nɔŋ nyīnydīit cī gam nē baai ēbēn tō kennë yen.

Wël ke ye ajuieer kennë ku kuɔny atɔnē wēbthait de mäktam de [Apprenticeship Office](https://www.dtwd.wa.gov.au/apprenticeship-office)<sup>1</sup> ku jɔl ya wēbthait de [Apprenticeship Support](https://www.apprenticeshipsupport.com.au/Apprentices/What-is-an-apprenticeship)<sup>2</sup>.

### Yeenjö yennë ajuieer de piöcc cɔl ‘apprenticeship’?

Kɔc piöccē keek nē piöcc bī keek kãŋ ya looi nē kecin ku bī keek ya kueen ēke ye kɔc nɔŋ nyīnydīit tɔ kennë keek nē piöcc de Vocational Education and Training (VET) cī luɔci keyiic. Raan bī ye ajuieer de piöcc kennë ya thöl nē kuɛn, abī ya tɔ ke cī ye piöcc kennë kueen nē run kaadiäk ku pēi kaa dhiēc ka run kaanuan ēŋolok. Piöcc kennë abī loilooi ye keek looi nē kɔc cin nē ɣãn ke loilooi yiic ya määt kennë piöcc bī ya gãm keek nē akutnhīm ke piöcc cī keek gāt rin piny (*Registered Training Organisation*).

### Yeenjö yennë ajuieer de piöcc cɔl ‘traineeship’?

Kɔc piöccē keek aye tuɔl ēke ye kɔc nɔŋ nyīnydīit tɔ kennë keek nē de kā ye keek looi nē kɔc cin ku aye keek kueen ēke ye kɔc cīkke piēc nē piöcc de VET tē cīi kek ye piöcc kennë thöl nē kuɛn. Piöcc kennë ee kɔc gãm nyīny dīit arēetic alɔŋē tēēt (*industry*) ku loilooi cīkkē keek ya kueen aabī keek ya cɔk tɔ tēnnē kɛk. Ajuieer de piöcc, cɔl ‘*traineeship*’ ee tɔ ke ye piöcc cī gam nē kaam de kɔc piöccē keek ku jɔl ya kɔc cī kek luɔci; tē cennë kɔc cī kek luɔci ajuieer de piöccē tiit kennë kɔn ya gam, ku cīi raan piöccē gam ēyadē ago ya luui ku bī ya piɔɔc nē thaar tɔŋ kennë yic. Ajuieer de piöcc kennë abī ya kuanycök nē kaam de pei kaa dhoŋuan agut cī pei ke 48 yiic, mɛn bī ya pēk cī tan de tiit kɔɔr ētē de luɔci kennë yic ku jɔl ya dhöl bennë raan ya them nhom thīn yic (*certificate level*).

### Ajuieer de piöccē luɔci nē thukuulyic (*School-based apprenticeships and traineeships*)

Ajuieer de piöccē luɔci nē thukuul yiic, mɛn ye cɔlē “*School-based apprenticeships and traineeships*” ee ya piöcc de luɔci yennë kɔc dɔm cī juiir nē kaam de raan tɔ nē thukulic kennë raan cī yen luɔci.

<sup>1</sup> <https://www.dtwd.wa.gov.au/apprenticeship-office>

<sup>2</sup> <https://www.apprenticeshipsupport.com.au/Apprentices/What-is-an-apprenticeship>

Yen ajuiëer kënnë ee kɔc ke remthi cɔk mæet piöc de thukuul ke senior school kënnë loilooi ke thæer ke biäk de akɔl tennë akutnhom cï gɔt rin ye kɔc piöc (*Registered Training Organisation*). Mïth ke thukul abï keek ya piöc në nyiny de kä ke looi në loilooi yiic ku bï piöc cï gam në baai ëbën ya tɔ ke cï looi. Ajuiëer de piöcë luɔoi në thukuul yiic acï tuɔl ke ye ajuiëer diit bennë mïth kt thukuul ya piöc.

### **Yekkë yïiŋa kee bï keek ya piöc në ajuiëer kënnë yic?**

Ajuiëer kënnë acï beibei ke bï ya pëk tennë mïth ke thukul nɔŋ piöth bikkë ya ŋoot ëke lo tueŋ kënnë piöc de tëët në thukuul yiic (*specific trade or vocation*) ku ŋoot ëke kɔr bikkë ya thök në thukuldeen tɔ keek thïn.

### **Lëu bï thukul meth kɔn ya puɔl ago jal ya lo në ajuiëer de piöc kënnë yic?**

Ajuiëer de piöcë luɔoi në thukuulyiic abï kɔn ya gam në thukul ku bikkë yïn jal ya puɔl ke ye biäk bennë meth ajuiëer de piöc ya kuanycök.

### **Guik wël juëc kɔk në tan de ajuiëer de piöc ë luɔoi kënnë yic**

Kɔc ye ajuiëer de thukuul VET juiir aabï yïn ya guieer wël ku bikkë yïn ya jääm në tan de ye ajuiëer kënnë yic. Wël juëc bï ya jam në ye ajuiëer kënnë yic aaba kek ya yöknë webthait de [Department of Training and Workforce Development](https://www.dtwd.wa.gov.au)<sup>3</sup> ku jɔl ya webthait de [Jobs and Skills WA](https://www.jobsandskills.wa.gov.au)<sup>4</sup>.

---

<sup>3</sup> <https://www.dtwd.wa.gov.au/apprenticeship-office/apprenticeships-traineeships-for-secondary-school-students>

<sup>4</sup> <https://www.jobsandskills.wa.gov.au/training/schools-and-school-students>